

國家圖書館藏

綫裝書局

中華歷史人物別傳集

欽

庫全書傳記類

粵閩巡視紀略

提要

臣等謹索粵閩巡視紀畧六卷

國朝杜臻撰康熙二十二年臺灣既平諸逆殄滅沿海人民皆安堵復業臻時為工部尚書奉

詔興內閣學士石柱往閩粵撫視畫定疆理以十一

提要

月啓程至二十三年五月竣事因述其所經理大畧為此書首沿海總圖次畧畧三卷次閩畧三卷次附紀澎湖臺灣一卷蓋臻巡歷由廣達閩故以為先後之序臺灣則未經親履其地第據咨訪所得者錄之故附于編末也書中排日記載凡沿海形勢及營伍制度兵數多寡綏列甚詳于諸洋列戍控置事宜俱能得其要領其山水古跡及前人題咏間

為考証亦可以資博覽蓋據所目見言之與撫拾輿記者迥別頗有合于周爰咨諏之義焉乾隆五十二年二月恭校上

總纂官臣紀昀臣陸錫熊臣孫士毅

校官臣陸費墀

原

昔唐虞之朝四岳佐之分命帝臣周游八極內別五方之山外分八方之海紀其舟車人跡之罕至撰水土草木禽獸昆蟲之所止及海外絕域殊類之人方名詭物之所書伯益作山海經洵奇觀矣下此唐蒙莊蹻之屬尚載舊聞長卿陸賈之儔猶稱前史先生粵閩之使烏可以無紀

今天下之大幅員數萬里東南直踰彭湖西北已踰瀚

海舞干羽于兩階奏簫韶于九成可云極盛雖然論緣海之境西北為遠東南為近給沿海之地江浙為緩粵閩為急何以言之昔趙王佗之攻粵秦稱一尉路博德之麾兵漢建七郡二守增于元封兩州刺自黃武合浦珠厓銅柱丹徼此粵海郡縣之制也若七閩之郡古會稽泊縣之半耳以其時地虛山谷人徙江淮自侯官都尉漢分兩部泉汀福建唐列四州此閩海郡縣之制也當其始沿邊列郡遙經遷徙金廈兩門游踪不絕沃州

之民疲于奔命矣迨後三方削平鎮戍興復抱圖歸丞相之府銜壁繫中軍之營昔光武有云征伐非必遠戰掠地在平定安集之耳今

聖天子廟算于上以賢大臣如先生巡視其地于以綏靖邊疆厥功偉矣當此之時為茲役者有三難焉有五利焉閩嶠崎嶇嶺表煙瘴深林密菁窮谷易入飛蝗舳艫海洋為數不放之歸田則羈縻無方枳棘良田虺蛇室內此一難也豪強之民勢將侵冒返璧無踪還珠奚

粵閩巡視紀畧

序

術此一難也以勢論之閩急于粵臺灣一郡附閩不附粵也招徠勸墾二事竝集先其所緩後其所急此一難也若夫察瀕海之地以還民寇無藉焉其利一也邊烽不警緣海列營民狎其野穡人成功其利二也山澤弛禁魚鹽是業貴貨易土土可賈焉其利三也漳浦鼻門逢通市舶使西賁浮玉南琛沒羽其利四也鑒于唐虞而命山川別水土任土作貢類族辨物俾厥田上上厥賦上中其利五也以茲五利易彼三難此一役也乃可

以濟昔六詔遺蒙剖哀牢之故窟羅施鬼國走婦人于
深宮滇黔之設有自來矣若天吳之域洪波巨浸海童
之區朝風來往郡縣所列古未曾有先生之功則于疆
于理至于南海摘詞則本爾雅水經注諸書紀事則可
作昆夷職方之志豈止夫蝦鬚九尺海人三寸水壩獲
長臂之衣殊方有懸乳之頸哉昔元帝之罷珠崖宋皇
之畫玉斧漢武嘗偏棄造陽勝國亦終遺交趾今之遼
陽遼古遠矣是以封之金繩裝之酸棗固亦虞書之別

東周穆紀卷四

三

錄禹貢之外編先生前代牧之十六衛罪言何足儔矣

濟南田雯撰

國家遷海之舉未雨綢繆絕遁逃之奸禁闌出關入之姦
啓蓋深鑒夫孫恩盧循之亂以及嘉靖中王直諸人之引
寇防危慮患法至善也惟是海壩諸境綿亘幾數千里在
朝廷賦額固不靳錙銖而自遷界之後從來沃壤竟為甌
脫民亡舟魚鹽耕獲之利失業者且數十萬家會
天子神靈威行絕域海寇遊魂皆匍匐伏歸命京師

于是鯨波鱷浪盡屬安瀾

上乃重念海濱赤子亟思還定而安集之爰遣重臣往
偕彼土大吏一切招徠撫綏便宜從事而今大司馬吾
鄉杜公時以少宰晉司空實受命泣粵閩之區公以康
熙二十二年臘月自都啓行跋履追遙踰越險阻于役
之勞不遑寧處至明年五月而畢事歷時僅五六晦朔
而往返且六七千里用以宣布

粵閩巡視紀畧

序

四

于事廉則無屬望于人由是以十萬之師為一使之任
孚于同官肅于僚屬不疾而速化馳若神夫豈偶然致
之者哉今讀我公巡視紀畧一書知公所實心從事者
首在察地還民蓋示

聖天子加惠元元之本指以敷廣宣皇仁慈惠也次則移屯戍

于界外不忘固圉也弛魚鹽之禁利民也酌番舶之通
市兼柔遠也此公經濟之大者也若夫防城之地連交
趾澎湖之道接中山巖門種落來自迤西紅毛部族鄰

于呂宋公皆以誠意格之清操感之內寧外戢遠至邇安使


聖朝漸被暨訖之化極于無垠猗歟休哉至其為書大而山川之經緯細而村井之疆列如瞭指掌如數家珍以及考据典章發皇忠義闡幽微顯慘軼補亡在此書為餘事而要皆可不朽于後世者也抑公是舉也安閩粵實以安東南東南財賦之區海水羣飛斗牛芒曜天下之所係孰大于是後世讀是書者知公之功豈專在



粵閩巡撫

閩粵即時康熙己卯仲夏

予告通奉大夫內閣學士兼禮部侍郎加一級同里受

業徐嘉炎謹拜撰





之民也若不給與俸餉無以安其身心欲給之則有限金錢不可為繼若令歸農又多無農可歸勢必復去而為盜以臣愚慮莫若將界外田地盡行給還方今海外要地已設提督總兵大臣重兵屯守是官兵在外而投誠在內夫復何慮且彼等樂得故土人人有安土重遷之思即迫之為盜亦不可得矣故臣以為界外田土查有主還民之外應悉給投誠開懇疏上部議駁覆再三奉

粵閩巡視紀事

卷一

二

旨會議應俟設兵完畢之日請行

上可之啓聖又會同撫臣吳興祚提臣萬正色合詞保題其言曰星羅棋布漸見海波不揚正臣等遵

旨請開邊界之日也一開界則上可以增國賦下可以遂民生併可收魚鹽之利以餉新兵安投誠之心永無八側又可使臺灣之衆望風來歸疏上再議得奉詔舊界之

于是閩界稍稍開二十年某月科臣傅感丁奏曰伏

見福督臣姚啓聖請開邊界業奉

允行夫近寇之省莫若閩閩且得開他省遠寇者何不可開乞

勅各督撫將界外田地招徠舊遷之民及情愿墾荒者令其耕種三年之後起科部議下所司詳酌保題久之皆鰥鯁過慮無敢直任者二十二年五月將軍施琅進勦海寇克取澎湖鼉臺檳榔嶼以順逆之理時鄭錦已死其子克塽率衆來歸請納土為郡縣而粵東督撫將軍保題疏適至于是兵部議請開界十月二十二日得

粵閩巡視紀事

卷一

三

旨江南浙江福建廣東沿海田地應給民耕種其緊要地方仍應作何防守等項事宜着差部院堂官前往會同該督撫詳察確議具奏戶部列諸臣名以上工部侍郎臣金世鑑副都御史臣呀思哈奉

命往江浙而臣臻及內閣學士臣石柱亦拜閩粵之

命是役也有當行之事四焉察瀕海之地以還民一也

緣邊寨營烽堠向移內地者宜仍徙于外二也海墘之民以捕鮮煮鹽為業宜并弛其禁三也故事直隸天津衛山東登州府江南雲臺山浙江寧波府福建漳州府廣東興門各通市舶行賈外洋以禁海暫阻應酌其可行與否四也臣 蔡受命悚惕即日俶裝戒行心竊自念皇上如天至仁迫欲見海墘之民及時耕耨今疾馳度嶺已將改歲待論定奏報得旨而後行則農時已逾非所以奉宣

粵閩巡視紀畧

卷一

四

德意也幸偕行諸臣亦同此懷遂用綠頭牌啓奏請于會勘之日將勘明地畝隨時責令有司招民佃種其應設防守即時分設俟一省事竣驛疏奏聞上許之十一日戊寅陞辭臣 蔡臣 柱跪請訓命

皇上熟思久之曰開界地畝務求原主授之宣諭督撫務俾得所臣等謹受命

皇上問勘視將先何省臣 蔡對曰將始廣東

皇上問何以不先福建臣 蔡對曰臣等先至廣東令彼處百姓及時承墾庶不悞春耕之時

皇上曰獨不悞福建開墾耶臣 蔡對曰福建督撫方安插投誠未暇協理開墾臣等以其間先竣粵事次至閩省諸臣已暇可以會商且閩土節候比粵稍近皇上錫之又

諭曰將軍施琅諳悉海島凡事必與共議臣等拜受命皇上又召致榻前諄諄誠諭曰汝二人朕所親簡當善

粵閩巡視紀畧

卷一

五

體朕意臣等又再拜受命而出

已卯啓行宿良鄉偕行者石學士柱主政殷時正郎張

建績冲翰尹達理筆帖式都暨嚴子侗邱某子民表也

壬午至河間府

甲申至德州

已丑至兗州府

辛卯至利國驛蓋已入江南界矣計行十有二日皆鷄鳴首途漏再下而止馬上口占有努力前驅頻計日只

因海畔蚤春耕之句

壬辰渡大河止徐州

丙申渡淮

丁酉晦過紅心驛行亂山中四十里

十二月戊戌朔發定遠

己亥至廬州府

辛丑過七里河止桐城蒼山萬疊松檜蕭森風景大異

北地

粵閩遊視紀畧

卷一

六

壬寅過岡嶺二十餘涉溪澗亦十餘止潛山

甲辰至黃梅始入湖廣境

乙巳由孔壠驛渡江止九江府

丙午過五石門止德安縣峻阪斗絕登頓殊艱方即次

而雷雨作幸免霑塗之苦

丁未止德興宿徐中書宅

戊申至章江安撫軍世鼎陳總戎平張藩伯所志署臬

查君培繼督學高君璜督糧鮑君畋率府屬共迎且具

舟以待

己酉揚帆早發乍釋羈勒之勞而遇此差足快意

庚戌止樟樹

辛亥止峽江山水迴瀦頗似浙東嚴陵瀨是夕微雪

壬子止吉安府

癸丑止鹽溪凡四日皆順風

乙卯至萬安將上灘覓灘夫以行是地水勢湍急必用健夫習水道者二人一持篙一捩舵宛轉石罅中方免

粵閩遊視紀畧

卷一

七

頃欲撞擊之患是日幸假風力不覺其難行六十里止

大王廟

丙辰亦行六十里上四灘止攸鎮

丁巳連上十灘度郡諸君共迎于除灘廟張燈時次賴

州自萬安抵賴二百四十里名灘十八餘小灘不可勝

數懸水斗瀉亂石鋒鏖舟尺寸失便利即不可知然勢

益險而境益奇行人方以洞心駭目為快不暇震怖也

城北即章貢合流處章自粵來貢自閩來交會于此郡

名所自得也

戊午易茅蓬舡止新塘

已未止南康山光秀潤村壠時有菜花如江南二月時
庚申早發兩岸峭壁千仞江流百折將至南安距城五
里許已二鼓矣有虎自山巔下直搏挽舡卒挽舡卒惶
遽大呼舟中人羣起和之僅乃獲免少頃張正郎至言
虎又挈其儕偶狙伺山麓冀攫後曹挽卒舟人覺之連
發四鳥鎗乃去

辛酉舍舟度嶺過所謂南越雄關者夾道皆短垣蓋少

卷一

宗伯楊公爾茂祭告時所築也蒼松列嶂間以平疇約

九十里村民以竹籠盛大蝴蝶兩翅廣可尺餘五色絢

爛腹垂繡囊遺子大如鳬卵或言此蝶產于羅浮麻姑

仙去時蛻裙所化云薄暮抵南雄登舟年友朱君介至

二簋飲舟中宵分而別

癸亥泊蘇渡江

甲子過韶州府泊白兔

乙丑掛帆行三百里過英德泊江岸廉石諸峰玲瓏錯
峙奇秀壁立

丙寅餘夕抵迎恩亭泊舟分載

二十三年正月丁卯元旦即迎恩率諸臣行慶賀禮泊

三水周儀部燦至自安南見于舟中

戊辰吳總制興祚李撫軍士楨即藩伯廷樞胡臬憲戴

仁督糧蔣君伊提舉汪君兆璋率諸屬先後至先行請

安禮乃敢具賓主會議諸務是日出示招民先是

粵閩巡視紀事

卷一

九

陸辭之日即已移咨兩省督撫述

皇上急欲小民歸業之意至是復刊示曉諭畧曰先因

海寇陸梁遊踪出沒不時抄掠爾等

皇上為爾等身家計權移內地以避賊鋒今邀

皇上威靈蕩平海外克孽永除允科臣奏請特遣大臣

勘明地界給還原主或有原主已亡無從查覓者聽情

愿墾荒之人量力承種總俟三年起科

皇上愛民至仁爾等固當曲體即爾等自今承佃之後

子孫世世享有先業關係亦復非輕爾等當聞命嚮應勿有瞻顧示下萬象離呼繼以泣下因命飛述各屬務使周知次與諸臣定議勘界程途當始于欽州之防城按粵省介在荒服控帶峒獠而防海為尤要秦命南海尉任囂築城隴口此置戍之始也漢設交州刺史治南海唐置嶺南五管經畧招討使宋以京官充嶺南道經畧安撫使元置廣東道宣慰使司兵制損益代有不同明太祖洪武二年命平章廖永忠參政朱

亮祖取廣東遂命亮祖鎮守建置衛所分布要害其沿海者曰潮州衛轄大城蓬州海門靖海四所曰碣石衛轄甲子門捷勝海豐平海四所曰南海衛轄大鵬東莞二所曰廣海衛轄香山新會海朗三所曰肇慶衛轄陽江所曰神電衛轄陽春雙魚寧川三所曰雷州衛轄石城錦囊海安海康樂民五所曰廉州衛轄永安欽州二所衛設指揮等官所設鎮撫千戶等官分領旗軍設屯田以贍之星羅戍守又多建墩

一傳百應為常山率然之勢頗稱嚴整正統間因黃蕭養寇亂設總兵于蒼梧制兩省嘉靖間倭寇犯邊始專鎮于東粵又設雷廉叅將一駐雷州水營叅將駐南頭萬厝初又設惠潮叅將各一白鵠水營叅將一潤洲水營遊擊一柘林碣石虎頭門廣海北津白鵠六水營守備各一于是旗軍而外復有城守之民壯斥堠之表加以水哨之遊巡大將居中操臂指之權守綦密矣其防汎之境畧分三路高雷廉三郡斗入海中西界欽州控連交趾雜處羅旁南面巨海綰轂瓊山而占城暹羅蒲刺諸番環匝于外蓋省會之西藏也其地以神電雷州廉州三衛十一所為邊白鵠潤洲兩水營游徼于外是為西路廣州帶三江阻重海崖門虎門夾峙左右屹為鎗前山巖門番舶所集南頭控其東陽江介其西實全省之中樞也其地以肇慶廣海南海三衛六所為邊虎頭門廣海北津三營游徼于外而南頭一鎮總擊之是為中路惠

潮二郡界連閩省漳船通番道所必經南澳介處兩省之間伏莽蟠互全恃兩府之彈壓又省會東偏一要阨也其地以潮州碣石兩衛八所為邊拓林碣石兩水營游徼于外是為東路三路各統于本管之叅將而兼轄于兩總戎瓊州孤懸海外自為一鎮此明代設兵之大較也

國初山海未靖順治七年特置兩藩重兵駐守防海之籌視前加必省會設提督潮州碣石高州各設總

粵閩巡視紀畧 卷一

十一

兵惠州雷州各設副將廉州設叅將各縣衛所要地並設游守分防盡罷衛所旗軍屯租領于縣官兵皆隸于各協制度一變康熙元年副都統覺羅科爾坤奉

旨行定海疆自閩界之分水關西抵防城接于西粵畫界三千七百里界外戍兵移之內地于是大城甲子捷勝海朗海安海康永安樂民諸所拓林黃岡瀾洲諸游汎皆棄不守更于內隘分設汎防其餘邊界

五里一墩十里一臺墩置五兵臺置六兵禁民外出情勢又復一變八年展界議以海邊為界修復廢毀諸營聽民出田界外邊境稍拓然亦未能如舊至邊民之復業者尤寥寥僅見也今所守諸汎視八年所展之界又復不侔事經變亂文書散失不能詳定焉現設

欽州營遊擊一守備一千總三把總六國初額員兵一千十三名

粵閩巡視紀畧

卷一

十二

乾體營遊擊一守備一千總二把總四兵一千三百六十六名國初無續設

廉州府總兵一遊擊二守備二千總四把總八兵一千八百八十八名舊係叅將康熙元年改總兵領本鎮兵一千瀾洲兵一千加募兵一千今減

高州府石城營守備一千總三把總五國初額員兵四百名

雷州府副將一都司二守備二千總五把總八國初額員